



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 01-03/02-04-45131-113/23  
Sarajevo, 29. 12. 2023. godine

**SKUPŠTINA KANTONA SARAJEVO**  
**n/r Okerić Elvedina, predsjedavajućeg Skupštine Kantona Sarajevo**

**PREDMET: Odgovor na zastupničko pitanje. dostavlja se**

Cijenjeni,

**Zastupnica** u Skupštini Kantona Sarajevo **Danijela Kristić** je u okviru Desete radne sjednice Skupštine Kantona Sarajevo, održanoj dana 05. 12. 2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22-Ispravka) je uputila **zastupničko pitanje**:

*„Molim Vas za informaciju pojedinačno po svakoj osnovnoj i srednjoj školi o broju prijava u 2023. godini prema Smjernicama komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo. Molim Vas da mi dostavite sljedeće informacije:*

- 1. Broj slučajeva koji je prijavljen školi.*
- 2. Broj slučajeva u kojoj je primjenjena interna komunikacija u okviru škole i komunikacija sa roditeljima.*
- 3. Broj slučajeva u kojoj je primjenjena komunikacija sa policijom i pravosudnim organima.*
- 4. Broj slučajeva u kojoj je primjenjena komunikacija sa socijalnim i zdravstvenim ustanovama.*

**Odgovor:**

Koristimo priliku upoznati Vas sa sljedećim:

Na prijedlog Ministarstva za odgoj i obrazovanje Kantona Sarajevo Vlada Kantona Sarajevo je 24. 08. 2023. godine donijela Zaključak broj: 02-04-37009-31/23 kojim se prihvata Informacija Ministarstva o poduzetim mjerama i radnjama usmjerenim na unapređenje procedura zaštite i sigurnosti učenika putem resornih ministarstava, sa posebnim osvrtom na multisektorsko postupanje u kriznim, iznenadnim događajima u odgojno-obrazovnim ustanovama.

Također, Vlada Kantona Sarajevo je na prijedlog Ministarstva usvojila Smjernice/scheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo. Scheme komunikacije su važne za efikasno postupanje u iznenadnim, kriznim događajima, iste osiguravaju brz i jasan protok komunikacije svih relevantnih strana.



**Dana 02. 10. 2023. godine** održano je stručno savjetovanje direktora i direktorica u vezi primijene i zadataka koji proizilaze iz navedenog dokumenta. Također, kako bi odgojno-obrazovne ustanove kvalitetno izvršile postavljene obaveze, između ostalog i izradile vlastite planove evakuacije za svaku ustanovu Ministrica za odgoj o obrazovanje je 19. 09. 2023. godine imenovala Radnu grupu za izradu uputstva za izradu plana evakuacije odgojno-obrazovnih ustanova u slučaju hitnih, kriznih situacija i praćenje implementacije izrade plana evakuacije u odgojno-obrazovnim ustanovama koja ima sljedeće zadatke:

- ✓ Jasno definisati korake i procedure postupanja u slučaju potrebne evakuacije (dojava bombe ili druge eksplozivne naprave, naoružana osoba u školi, teroristički čin, požar, poplava, zemljotres ili neka druga iznenadna situacija za koju mora postojati hitni plan evakuacije učenika i radnika škole).
- ✓ Izraditi tri modela plana evakuacije u tri odgojno-obrazovne ustanove, koji će koristiti kao primjer za izradu planova evakuacije u drugim odgojno-obrazovnim ustanovama.
- ✓ Pripremiti upute za direktore škola na koji način se izrađuje plan evakuacije sa pratećom dokumentacijom, te realizovati edukaciju, stručno savjetovanje za direktore odgojno-obrazovnih ustanova.

U navedenom dokumentu Shema komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo propisana je izrada plana evakuacije za svaku ustanovu, formiranje Tima za upravljanje kriznim događajem na nivou odgojno-obrazovne ustanove, te obaveza planiranja i realizacije evakuacijskih vježbi koje će se definisati u planovima evakuacije svake ustanove, a iste su trenutno u fazi izrade u odgojno-obrazovnim ustanovama – **Radna grupa je izradila metodologiju izrade plana evakuacije za odgojno-obrazovne ustanove, stoga ćemo u narednom periodu osigurati podršku školama u vidu izrade individualnih planova evakuacije i imenovanja Tima za upravljanje kriznim događajem na nivou svih odgojno-obrazovnih ustanova.**

**Dana 15. 11. 2023. godine** je realizirana edukacija policijskih službenika u vezi primjene i postupanja na osnovu Smjernica/sheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo.

**Dana 14. 11. 2023. godine** je realizirana edukacija uposlenika JU Kantonalni centar za socijalni rad u vezi postupanja na osnovu Smjernica/sheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo.

**Dana 28. 12. 2023. godine** je realizirana edukacija uposlenika JU Dom zdravlja Kantona Sarajevo - Centar za mentalno zdravlje u vezi postupanja na osnovu Smjernica/sheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo.


Želimo Vas informisati da su škole u obavezi postupati u skladu sa Smernicama o postupanju u slučaju nasilja nad i među djecom u Bosni i Hercegovini, Pravilnikom o vođenju evidencije o neprihvatljivim oblicima ponašanja i zaštiti učenika („Službene novine Kantona Sarajevo“ br. 29/19 i 38/22), Pravilnikom o načinu i obliku provođenja odgojno-obrazovne podrške i stručnog tretmana („Službene novine Kantona Sarajevo“ br. 29/19 i 38/22) u toku uobičajenih procedura u odgojno-obrazovnim ustanovama. Ukoliko se desi krizni događaj koji zahtjeva hitnu intervenciju, odgojno-obrazovne ustanove su u obavezi postupiti prema Smjernicama komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo. Način postupanja odgojno-obrazovne ustanove ovisi od vrste uočenog indikatora neprihvatljivog ponašanja ali i stepena rizika.



Shodno navedenom, informišemo Vas da nije bilo izrazito kriznih događaja u odgojno-obrazovnim ustanovama Kantona Sarajevo u periodu od septembra do decembra 2023. godine u kojima je postojao osnov za postupanje prema Smjernicama komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo, ali odgojno-obrazovne ustanove redovno ostvaruju saradnju sa policijskim službenicima, predstavnicima službe socijalne zaštite i predstavnicima centara za mentalno zdravlje u skladu sa članom 15. Pravilnika o načinu i obliku provođenja odgojno-obrazovne podrške i stručnog tretmana („Službene novine Kantona Sarajevo“ br. 29/19 i 38/22) koji propisuje:

„u slučaju da se desio iznenadni događaj u školi ili izvan nje, a za koji postoji saznanje da može ugroziti najbolji interes učenika stručna služba škole u što kraćem roku organizuje multisektorski sastanak kojem u isto vrijeme prisustvuju roditelji svih učenika uključenih u događaj, stručna služba škole, direktor, predstavnici nadležne službe za socijalni rad, predstavnici nadležnog centra za mentalno zdravlje, predstavnik nadležne policijske uprave i druge osobe ili predstavnici institucija po procjeni stručne službe škole“.

S poštovanjem,



Dostaviti:

1. Naslovu
2. A/a



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-128  
Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)